



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Der ... Teil|| aller Bücher vnd Schrifften des|| thewren/ seligen Mans Doct. Mart. Lutheri**

Vom XXVIII. jar an/ bis auffs XXX. Ausgenomen etliche wenig Stück/ so zu  
ende des dritten Teils gesetzt sind

**Luther, Martin**

**1566**

**VD16 ZV 10108**

Antwort vnd Bericht D. M. L. wes sich ein Fürstlicher Abt halten sol etc.

**urn:nbn:de:hbz:466:1-37065**

alle deinem Gut / Das du ein stunde zu solchem göttlichen Stiffte vnd grossen Gottesdienst helffen soltest / Vnd kanst dein lebenlang dazu helffen. Nu thustu aber das Widerspiel / nicht eine stunde / Sondern dein lebenlang / Das heisset freilich recht / die Stiffte / Klöster vnd Kirchen stürmen vnd rauben / Das der auffrührerischen Bawer stürmen kaum ein schimpff vnd vorspiel zu rechnen ist / Sag mir / welche Helle an tieff vnd heis gnug sein / zu solcher deiner schedlichen bosheit ? O welche eine Straffe wird auch ober vns kommen vmb solcher Missethat willen.

Also auch im weltlichen Regiment / kanstu deinem Herrn oder Stad mit der Kinderzucht mehr dienen / denn das du im Schloß vnd Städte barwetest / Vnd aller Welt Echeze samledest / Denn was hilffe solchs alles / wenn man nicht geleerte / weise / frome Leute hat ? Ich wil schweigen / was zeitliches nützes vnd ewiges Lohns du dauon hast für Gott vnd der welt / Das dein Kind auch hiemit besser erneeret wird / denn nach deinem schendlichen / schedlichen / sevischen Rathschlag vnd fürnemen / Dauon ich ein ander mal weiter vnd mit einem sonderlichen Bächlin vermanen wil / so Gott gibt wider solche schendliche / schedliche / verdampfte Eltern / welche nicht Eltern / Sondern schedliche Seir vnd vergiftige Thier sind / die ir eigen jungen selbst fressen. Ist sey es gnug zu einer Vermanung / das Christlich Bächlin mit vleis einem jglichen Hausvater zu lesen / Der für Gott vnd der welt seliglich hie vnd dort bestehen wil / Dazu gebe Gott seine Gnade / Amen.

Wie er ges  
than hat in  
der Sermon  
wie man Kin  
der zur Schu  
len halten sol  
etc. die der Le  
ser vnter d. n  
Schriffte des  
so. iars finde  
wird.  
Tom. 5. Sol.  
165.

## Antwort vnd Bericht D.

N. L. auff diese Frage / wes sich ein Fürstlicher  
Abt halten sol / Der gern den Habit ablegen wolt  
etc. An Herzog Johans Churfürsten  
zu Sachsen etc.



Nad vnd Friede in Christo / Durchleuch  
tigster hochgeborner Fürst / gnedigster Herr / Es hat  
mir der Achtbar hochgelarter Doctor Gregorius  
Brück angezeigt / Wie E. G. F. G. von mir begeren /  
mein Bedencken / auff das ansinnen des Abts zu N.  
So E. G. F. G. vmb Rath ersucht / Wes er sich hal  
ten sol. Wenn er aus K. M. befehl / vber ein Jar die Rappen sol  
wider anlegen etc.

Item ij Daraus



Antwort vnd bericht D. M. L. wes sich ein J. Abt etc.

Drauff were mein vntertheniges Bedencken/ Wie ich denn für mich selbs bisher gegen alle ausgetreten Personen gebraucht/ Das in E. G. F. G. noch einiges Menschen vermügen/ nicht sicher/ jemand zu raten oder heissen/ aus dem Kloster zu gehen/ Oder seine Religion zu endern. Denn weil solche Sachen Gott vnd das Gewissen betreffen/ So hat man da Gottes wort vnd die Schrift/ die uns leret/ was ein jglicher thun vnd lassen sol/ Nicht allein Naches weise/ Sondern auch Gebots weise. Darumb mich niemand darff fragen/ Ob er dis oder das thun sol/ Sondern er sehe zu/ prüfe sein selbs Gewissen/ was er glauben vnd thun wölle oder möge/ ich kan jm nicht raten/ noch weiter heissen/ Denn im fall/ wo ichs im ritter/ oder hiesse/ Vnd er were doch der Sachen vngewis/ Vnd thus im zweifel oder Wandelgewissen/ So macht ich mich theilhaftig/ vnd were ganz die Ursach solcher Sünden wider Gott.

Es ist aber nicht geringe Sünde/ aus zweifel oder vnglauben/ (das ist/ wider das erste vnd ander Gebot) etwas thun/ Denn Gott wil Glauben vnd nicht zweifel haben/ Wer wil aber mich versichern/ das er glaube. Wolte doch S. Philips Acto. 8. den Simon nicht teuffen/ Hies vnd rieths jm auch nicht/ Sondern da er selbs begerte/ vnd sprach/ Er glaubte an Christum/ Da gab er jm auff solchen Glauben die Tauffe.

Wer das istis mit dem Abt noch ein anders/ Denn wir wiss/ ob er schon glaubte/ Das er auch starck vnd fest gnug im Glauben sey/ zu ertragen zukünftige Ansechtunge. Denn wir lesen in der Schrift/ Vnd erfarens teglich/ an vns selbs/ Was der Teufel vnd alle Welt wider den rechten Glauben anricht/ ja auch austrick/ Vnd der verfolgung vnd ansechtung kein ende noch mas ist.

Solt nu hernach der Abt ein böß Gewissen kriegen/ wie vielen geschicht/ vnd sich der Newel finden/ oder in Elend/ Armut/ Vngunst/ Fahr/ oder ander Vnfall drüber komen/ Vnd solchs nicht können leiden/ Vnd endlich wider zu Ruck gedenden vnd trachten/ wie jst gar viel thun/ vnd gethan/ So were es viel besser/ jst gelassen.

Darumb niemand dazu raten noch heissen kan/ Es mus ein jglicher hie sein selbs Meister/ Rachtgebe/ vnd Helfer sein/ nach dem göttlichen Wort/ Vnd gehöret warlich ein Man vnd Herz dazu/ das ritterlich stehen möge. E. G. F. G. haben wol erfahren/ Was die frome Fürstin/ Herzogin Ursula von Münsterberg drüber erlitten hat/ Denn sonderlich istis den hohen Personen/ von groffer



an H. Johans Churf. zu Sachsen etc. Anno XXIX. 465  
Herrschaft schwerlich zu thun/ Vnd gar vbel/ ja aller ding nicht  
von jemand zu raten.

Denn wenn sie gleich zeitlich Gut genug mit sich bringen/ oder  
anderswo finden möchten (welchs doch kaum möglich) für ihren  
Stand/ So ist doch zu besorgen/ Das sie die schmach/ verachtung/  
hass/ vnd abgunst/ nicht ertragen mögen/ So sie beide von jenem  
Theil/ vnd vnter den Vnsern erfahren würden. Sollen sie denn sich  
auch so gar herunter lassen/ Vñ andern gemeinen leuten sich gleich  
halten/ Das ist ihnen ja zu schwer/ Vnd wer kans ihnen raten/ Wo  
sie es nicht selbst erwelen zu thun vnd zu wagen/ was der Teufel  
vnd die Welt an ihnen thut/ vnd thun wil?

Als wolt ich aber rathen/ Weil alle Sachen ist in der wage  
stehen/ Vnd niemand weis/ wohin Gott den ausschlag wil gerathen  
lassen/ Das der Abt auch seine Sachen auffschübe/ Vielleicht  
möchte Gott so schicken/ Das alle/ oder doch viel Klöster möchten  
auffgethan werden/ Vnd er also on schmach vnd fahr/ Dazu mit  
zimlicher versorgung heraus kommen. Würden sie aber nicht auffge-  
than/ So bliebe es in der obgesagten weise/ Das er sich selbst prü-  
fen/ vnd sein Gewissen zu rath nehmen müsste/ Vnd auff Gott wa-  
gen/ was er thun wolte/ Vnd auff keines Menschen rath. Denn da  
würde nichts guts aus/ Vnd hette auch keinen bestand/ Sintemal  
wer es auff Gott vnd Gottes wort oder rath/ nicht wagen thar/  
Vnd wils doch auff Menschen rath wagen/ Das ist ein abgötti-  
sches ungleubiges Herz/ Das mehr einem Menschen/ denn Gott/  
vertrauet/ Vnd gewisslich nichts Guts fürhat/ auch nichts guts  
ausrichten wird/ Dazu ich warlich keinem vrsach noch rath geben  
wolte.

Wetzt acht ich/ weil der Abt hohes Standes vnd geburt/ nir-  
gend so wol versorget sein kan/ als im Kloster/ Solt ihm mehr zu ra-  
then sein/ das er drinnen bliebe/ Sintemal er im Kloster/ nicht al-  
lein das versorget/ Vnd auch on Schmach in gut vnd Ehren blie-  
be/ Sondern auch viel mehr guts schaffen köndte/ denn herausen/  
Denn herausen kaner niemand helfen/ Sondern man mus ihm  
helfen/ Vnd müsste dennoch geringes Stands/ vnd veracht werde.

Wer im Kloster hette ers alles in der Hand/ köndte vielen  
helfen/ Vnd mit der zeit die Klöster greuel schwächen vnd unterge-  
hen lassen/ Vnd damit vielen Gewissen zur Warheit vnd freiheit  
helfen/ wie die frome Fürstin die Ebtisschin zu Gernrode/ vnd viel  
andere Prelaten vnd Prelatin thun.

Item

Denn



Schrifft D. M. L. an Landgraff Philip.

Denn wo es sein ernst ist/ das Euangelium zu haben/ vnd Gott zu dienen/ Kan er nicht besser dienen/ denn thue also/ wie ich gesagt/ Vnd schadet jm an seinem Gewissen nichts/ das er drinnen bleibet/ Weil er darumb drinnen bleibt/ Das er wil die Hölle helfen stürzen/ Vnd Gottes wort fördern/ Welchs er hauffen keines thun kan. Volt Gott/ ich selbs were ein solcher Abt/ oder Prior vber ein Kloster/ Ich wolte der Sachen das raten/ denn wenn ich hauffen were/ Vnd wolt den Teufel in seiner eigen Farbe/ vnd mit seinem eigen Wesen sein verlagen.

Wo aber der Abt sich beschweret/ Das er nicht zur Ehe greiffen kan/ Wolte ich lieber rathen/ das er eine heimliche Ehefrauen neme/ Vnd thet gleichwol/ wie gesagt/ Weil es doch bey den Papisten keine schande noch fahr ist/ Weibsbilder haben/ bis das Gott der HERR anders schickt/ Wie er denn in kütz thun wird/ Denn so kan die Sache nicht lange stehen. Hemit were der Abt sicher vnd versorget/ Dürfft auch seine Freundschaft nicht beschweren/ Einmal auch S. Paulus die strafft/ So andern beschwerlich sind/ vnd doch nichts dafür erbeiten noch schaffen/ etc. 1. Thessa. 2.

Solchs hab ich dismal in eile auff E. G. F. G. beger/ vntertheniglich angezeigt/ Befehl E. G. F. G. hemit dem Vater aller gnad vnd barmherzigkeit. Datum 25. Maij. Anno M.D. XXIX.

E. G. F. G.

unterthener  
Matth. Luth.

Schrifft D. M. L. An

Landgraff Philips zu Hessen etc. das er auffseiner F. G. begeren gen Marburg/ mit den Sacramentirern Vnterrede zu haben/ begeben wol/ Ob gleich keines Friedes zu hoffen.

Anno M. D. XXIX.



Nad vnd Friede in Christo/ Durchleuchtiger Hochgeborner Fürst/ gnediger Herr/ Ich hab E. G. F. G. Schrifft vnd gnedigs begert/ Das ich mich sol gen Marburg begeben/ mit Decolampad vnd den seinen/ ein Vnterrede zu haben/